



Op pad met Iwana...

“Dit het gevoel asof ek vlieg ...”

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Het jy onlangs 'n jongman gesien wat die *Blitspos* se hoogtepunte in 'n videoformaat aanbied en ook gewonder wie is hierdie man? *Op pad met Iwana* stel graag aan julle bekend: At Hattingh! At is tans 'n derde jaar teologiestudent aan die Fakulteit van Teologie en Religie aan die Universiteit van Pretoria (UP).

Hy het al op die fakulteit se studenteleierskapkomitee van 2023/2024 as ondervoorsitter gedien en as hoof van akademie- en studente-ondersteuning. Boonop dit dien At tans as lid van die Delphi-komitee by Gemeente Philadelphia en is onlangs verkies tot die bestuur van Van der Hoff-studentevereniging as fiskus. Hy is ook getrou betrokke by Gemeentes Montana waar hy die oggenddiens bywoon en by Gemeente Philadelphia waar hy die aanddienste bywoon.

Maar dalk lyk hierdie jongman vir jou bekend? At Hattingh is die seun van ds Attie Hattingh, leraar van Gemeente Krugersdorp-Noord. At volg in die voetspore van sy pa, maar verduidelik dat hulle nie ewebeelde van mekaar hoef te wees nie: *Ons is baie dieselfde en ook baie verskillend, daarom gaan ons dinge ook op verskillende maniere benader en uitvoer.* Natuurlik klink dit vir bystanders ideaal om 'n predikant as pa te hê tydens jou teologiese opleiding. Maar At verduidelik dat met die aanloop tot sy eerste klaspreek wat vanjaar plaasgevind het, het sy pa hom gelos dat hy self die uitdaging kaalvuis aanpak. Maar dit is juis die voorbereiding tydens dié vormende proses wat hom laat voel het asof hy vlieg toe hy op die kansel klim. *Wanneer kan ek weer preek?*, was die woorde wat sy ervaring op die preekstoel omvat. At verduidelik verder dat hy van sy mentors in homself kon sien. Hy staan op die skouers van sy pa, dr Antionette Janse van Rensburg en Thinus van Staden na wie hy opkyk as leraars in die Kerk.

Hy was uiteraard op sy senuwees want hy vertel dat hy nie geweet het wat om te verwag nie, maar hy het presies geweet waarom hy wil preek. Dit is hierdie passie waarna hy verwys toe die volgende vraag aan hom gestel is: Hoe kan studente opgewonde bly oor hul studies en die dienswerk wat hul verrig in die Kerk? *Dis belangrik om betrokke te wees en 'n bydrae te maak in die gemeente waar jy jouself tuis vind*, meen hy. Vir At is dit duidelik: *Ek weet dis [teologie] wat ek moet doen en ek weet dit met my hele hart; dis waarvoor ek geroep is, dis waar ek moet wees en dis waar ek gelukkig is.* Maar dit is ook vir At belangrik dat studente inskakel en aktief besig bly met die passie wat hulle na teologie in die eerste plek gelei het.

At sien uit vir dit wat die toekoms vir die Kerk inhou: *Teologie is die manier hoe ek my roeping as God se kind daar buite uiteleef.* Dit het hy weer besef ná sy bywoning van die 74ste Algemene Kerkvergadering en die bydrae wat hy by 'n gemeente kan bied.

Die Kerk is dankbaar vir jongmense wat met sulke passie en inisiatief die sigbaarheid van die Kerk wil uitbrei. Ons sien uit daarna om At Hattingh aan te hou sien vlieg op die kansel!

Ds Iwana Kruger
(Pretoria-Oos en NHKA-joernalis)

Lief en leed



Lalia Coetzee

- **Ds Hannes en Gerda van der Merwe** het weer die voorreg gehad om trotse oupa en ouma te word. Klein **Lalia** Coetzee is op 22 Oktober gebore. Ons wens haar ouers, **Adriany en Hannes Coetzee** en ds Hannes en Gerda baie geluk met hul nuwe bondeltjie vreugde.
- **Die volgende predikante verjaar tot 14 November, en word hartlik geluk gewens:**
 - Donderdag 6 November: Ds WL (Wikus) van der Merwe (emeritus)
 - Vrydag 7 November: Di SA (Fanie) Beukes (Laeveld) en DA (Dirk) van Rooyen (Deo Volente)
 - Sondag 9 November: Ds PJ (Hannes) Wolmarans (Secunda)
 - Maandag 10 November: Prop PJ (Peet) Bloem (beroepafwagtend)
 - Dinsdag 11 November: Ds AH (Adriaan) Roets (emeritus)
 - Donderdag 13 November: Ds IL (Innes) Benadé (emeritus/Oudtshoorn)
 - Vrydag 14 November: Ds NJS (Nicolaas) Steenekamp (Middelburg)

Gemeentes en bediening

- Die volgende predikante het beroepe ontvang:
 - **Prop H (Helga) du Plessis** (beroepafwagtend) na Gemeente Sionspoort (deeltyds).
 - **Ds HSK (Hennie) Nel** (emeritus) na Gemeente Potgietersrus (deeltyds).
 - **Dr CB (Bernard) Prinsloo** (Gemeente Onverwacht) na Gemeente Swartkop.
- **Ds KF (Kathleen) Smith** (emeritus) het die beroep na Kaapstad (deeltyds) aanvaar.
- Neem asseblief kennis dat **dr André Ungerer** se e-posadres verander na: andre@nhk.co.za.
- Gemeente Pretoria-Oos nooi u uit om **dr André Ungerer** se jare van toegewyde diens en **emeritaataanvaarding** saam met hom op **16 November om 09:00** te vier. Dr Ungerer het op 28 Februarie 2025 emeritaat as predikant aanvaar en aanvaar op 31 Desember 2025 emeritaat as hoof van die Hervormde Teologiese Kollege (HTK). Hy was sedert 2015 aan die stuur van die HTK. Kom geniet 'n koppie koffie en gesellige saamwees na afloop van die diens.

Werkgeleenthede

- **NHK Gemeente Wapadrant** Pretoria beskik oor 'n vakante bedieningsruimte wat nie aan 'n ouderdomsprofiel gekoppel is nie. Enige proponent of predikant is welkom om aansoek te doen. Kontak die kerkkantoor by: kantoor@diekerk.com vir meer besonderhede.

Posinligting

- Vergoeding is onderhandelbaar
 - Alle aansoeke moet vergesel wees van 'n volledige CV, 'n persoonlike profiel asook 'n videogreep van nie langer as 4 minute waar die kandidaat hom/haarself aan die Kerkraad bekendstel.
 - Rig aansoeke aan diane@diekerk.com
 - **Sluitingsdatum: 16 November 2025**
 - Die kerkraad behou die reg voor om 'n kortlys saam te stel vanuit die aansoeke wat ontvang word.
- **Gemeente Namibkus** (wat Hentiesbaai, Swakopmund en Walvisbaai bedien) nooi 'n predikant of proponent van die Kerk om van **30 November 2025 tot 11 Januarie 2026** in die gemeente te preek en krisisgevalle te hanteer terwyl hul predikant met langverlof is. **Gratis verblyf** word verskaf vir die besoekende predikant en gesin in 'n ruim drievertrekwoonstel, en die gemeente sal 'n **reiskostebydrae** gee vir die reis na en van Namibië. Kontak **ds Leon Janse van Rensburg** so spoedig moontlik vir meer inligting by **+264 81 128 5169** of leonjvr@iway.na.

Vergaderings

- Saterdag 8 November: NHSV Dagbestuur
- Donderdag 13 November: Pensioenfonds
- Vrydag 14 November: Raad van Finansies

Kerklike en ander publikasies

- In die **November/Desember 2025-uitgawe van *Die Hervormer*** herinner **ds Janine Bevol-Manders** ons dat daar 'n tyd is vir alles, en in elke tyd is God teenwoordig. Hy is nie net die Skepper van die seisoene nie, Hy is die Herder in elke seisoen. **Dr Johan van Staden** skryf in sy laaste uitgawe as redakteur dat ons in die Adventstyd herinner word aan die Lig wat na die wêreld gekom het – nie toe alles helder en mooi was nie, maar toe dit donker en onseker was. Onder die swaar juk van Romeinse heerskappy het mense gehunker na vryheid, identiteit en hoop. En toe breek die Lig deur. Immanuel. God mét ons. **Dr Anet Dreyer-Krüger** benadruk dat ons die natuur moet bewaar, maar dat ons ook ons verhoudings met ons gesinne, ons families, dié wat die naaste aan ons is, moet koester en beskerm. **Ds Iwana Kruger** vertel meer oor die besluite van die pas afgelope AKV, en stel ook die nuwe bestuur van die Van der Hoff Teologiese Vereniging aan ons bekend. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.

Nuwe publikasie

R290
(versending uitgesluit)

Bybelse Dagboek in GROOTDRUK

Inhoud identies aan die Bybelse Dagboek-gedeelte van die bestaande Dagboek en Almanak. Hierdie boek word slegs op aanvraag gedruk en daar is geen voorraad vooraf beskikbaar nie. Hou asseblief in gedagte dat daar 'n produksietyd is, so aflewering kan 'n paar dae neem.

R200
(versending uitgesluit)

Bybelse Dagboek en Almanak

Belangrike inligting oor die Hervormde Kerk én 'n inspirerende Bybelse dagboek in een omslag.

Bestel by boekwinkel@nhk.co.za

Nuwe publikasie

R160
(versending uitgesluit)

'N WOORD VIR ELKE DAG

'n Woord vir elke dag

Hierdie bundel bring al die *Gedagtes vir die Dag* saam – daaglikse oordenkings wat ontstaan het uit die *NHKA Bybelse Dagboek*.

Of jy dit daagliks lees, of af en toe daarin blaai – mag hierdie versameling vir jou 'n metgesel wees op jou geestelike reis.

Bestel by boekwinkel@nhk.co.za

- Die **Kerkkalender vir 2026** wat die afdeling Kerklike Kommunikasie vir gebruik in ons gemeentes voorberei het, is op die Kerk se webblad beskikbaar. Kry die kalender **hier** en die kalendervoorblad **hier**. Die kalender bevat inligting oor die kerklike feesdae, openbare vakansiedae, skooltermyne en spesiale geleenthede wat vir die hele Hervormde Kerk van belang is. Gemeentes kan hul eie gemeenteprogram daarop invul en die kalender in gedrukte formaat of elektronies onder hul lidmate versprei.

Kom kyk saam

- Het jy al na verlede week se Blitsflits gekyk? Die Blitsflits verskyn weekliks aanlyn om te dien as 'n opsomming waarna u kan uitsien in die uitgawe van *Blitspos*. Kyk gerus **hier** saam na verlede week se Blitsflits en lewer kommentaar op die blad.

'n Gedig

U is die lig wat deur die donker skyn.
U is die een wat duister laat verdwyn.
Skyn in ons harte, dryf die donker uit.
Skyn in ons lewens tot in ewigheid.

Jesus Christus, ons glo in U,
ons buig voor U neer, buig voor U neer.
Jesus Christus, ons God en Heer,
ons bring nou aan U die eer.

U is oorwinnaar, U't die dood verslaan.
U het as Koning uit die graf gegaan.
Breek nou die bande,
gooi die boeie neer.
Ons is oorwinnaars saam
met U, ons Heer.

Jesus Christus, ons glo in U,
ons buig voor U neer, buig voor U neer.
Jesus Christus, ons God en Heer,
ons bring nou aan U die eer.

VONKK 277: 1 en 2

Fondsinsamelings

- Gholfdag in Tzaneen – moet dit nie misloop nie!** Gemeente Tzaneen nooi jou uit na hul opwindende Gholfdag op **7 November 2025** by die **Tzaneen Country Club**. Afslaan is om **11:00** en groot pryse is op die spel, insluitend 'n splinternuwe New Holland TT75-trekker met 'n putjie-kolhou! Die inskrywingsfooi van **R2 500 per 4-bal** sluit 'n ete in, en daar is ook 'n loslootjietrekking. 'n Borg per putjie kos **R5 000** en sluit 'n 4-bal in. Die formaat is **2 Ball Scramble Drive**. Betaal by **Absa**, rekeningnommer 1260 570 230, takkode 632005, met verwysing: **Naam/Gholfdag**. Vir meer inligting, kontak **Carl by 083 706 9588** of **Morne by 064 752 9483**. Kom ondersteun die Hervormde Kerk in Tzaneen en geniet 'n dag vol pret en pryse!



DIE PASTORIE
Gerieflike verblyf in Polokwane – jou tuiste weg van die huis

- Die Pastoriekamer: Koninggrootte bed en suite
- Die Buitekamer: Dubbelbed en suite
- Elke kamer met privaat ingang en ontspan-binnenhof
- Onderdak en veilige parking (parkering vir woonwa beskikbaar)
- Selfsorg geriewe
- Ideale oornag vir koshuisouers, afspraak en hospitaalbesoeke
- Gerieflike oornag op pad na, en vanaf, die Kruger Wildtuin en ander Limpopo bestemmings
- Uitstekend geleë naby skole, hospitale en inkopie sentrums

BESPREEK NOU
Henk & Trudie Joubert
dshenk@mweb.co.za

PASTORIE GASTEKAMERS 082 561 3799

Lente roep jou om by ons te kom kuier!

Predikante geniet 10% afslag op besprekings

NHKA | SPUR UITEET-FONDSINSAMELING VIR KINDERSORG

'n Gesamentlike projek tussen gemeentes Pierneef GLO, Villieria en Derdepoort, waar ons jou hartlik nooi om saam te kom eet en kuier – terwyl jy terselfdertyd 'n verskil maak!

10% van elke rekening word geskenk aan die NHKA se Kindersorgfonds, en die eerste 40 besprekings ontvang 'n "Kiddies voucher" waarmee kinders, vergesel deur 'n ouer, 'n gratis maaltyd kry.

 **DINSdag, 25 NOVEMBER 2025**

 **BURNING ARROW SPUR**

 **08:00–21:00 (BESPREKING NOODSAAKLIK)**

 **BESPREEK *HIER***




 **SPUR** BURNING ARROW SPUR
STEAK RANCHES QUEENS CORNER SENTRUM

 'n Monsteruitdaging vir jou:
Ondersteun die Rata Ride for a Child-span

Die Rata Ride for a Child-span durf die Munga-ultramaraaton aan én die monsteromstandighede waarin talle kinders vasgevang is. Hulle mik om R1 miljoen in te samel – 1 000 mense of instansies wat elk R1 000 skenk – om Rata se werk teen mishandeling en verwaarloosing te ondersteun.

 **Rata**
HAATSKAPLIKE DIENSTE



Annaljie van Wyk | Riaan Loots | Martin Meyer | Alphonso Theron | Chris Reyneke | Wouter van Wyk | Schalk Zastraon | Conrad Blything (Bestuurder)

MUNGA 2025 SOLO SPAN | MUNGA 2025 EQUIPE SPAN

- 
- Die **Rata Ride for a Child**-span durf binnekort twee monsters aan – die Munga-ultramaraaton vir bergfietsryers (**1 100 km tussen Bloemfontein en Wellington** van 26 November tot 1 Desember in **5 dae** deur die moordende Karoo) én die monsteromstandighede (verwaarloosing, mishandeling, molestering) waarin so baie van ons kinders vasgevang is. Sien jy kans om die Munga te ry en duisende kinders se veiligheid te help verseker? Of sien jy kans om die span en Rata te help om dit namens jou te doen? Om die monster van Rata se tekort aan inkomste te tem, wil die span R1 000 000 insamel – 1 000 individue of instansies wat elk R1 000 skenk.

Elektroniese betalings: Rata Maatskaplike Dienste MSW

ABSA tjekrekeningnommer: 020 600 209, takkode: 632005

Verwysing: RataMunga2025 + Naam

Kredietkaart skakel: <https://pay.yoco.com/rata-social-services-npc>

Klik ***hier*** vir meer inligting.

Skandeer die Zapper-kode hiernaas met jou banktoep of Zapper om 'n donasie te maak.

- Dit is weer tyd vir **Gemeente Kampersrus Hoedspruit se basaarlootjies!** Daar is **meer as R45 000 se pryse** wat gewen kan word teen **slegs R100 per kaartjie!** Die pryse wissel van 'n heerlike harepamperleng ter waarde van R400 tot verblyf in Mosambiek vir ses persone ter waarde van R16 000.

Daar is twee maniere om deel te neem:

- Koop direk by Susan la Grange.
- Jy kan ook via WhatsApp jou kaartjie by 072 636 8001 (Susan) bestel. Jy sal 'n genommerde kaartjie elektronies ontvang. Betaal regstreeks in die bankrekening met jou lootjienommer as verwysing.

Bankbesonderhede: Nederduitsch Hervormde Kerk, Standard Bank, rekeningnommer 033358346, takkode 052752.

Die trekking vind op **30 November** plaas!

Kikker jou kas op!

"das" nie iets beter nie...

Bestel vandag nog jou NHKA-das en wees trots deel van Hervormd-wees!

Bestel hier:

- Bestel by boekwinkel@nhk.co.za

Van der Hoff Teologiese Vereniging

**Slegs
R200**



Toerusting



Diploma in Bediening Deeltydse studies

Ten volle geakkrediteerde kwalifikasie: NQF Vlak 6
SAQA ID: 96454; aantal krediete 379; 5 jaar deeltids

Eerste Diplomalegtigheid Feb 2025



Vier Ouderlinge en een lidmaat uit die NHKA

Toelatingsvereistes

Nasionale Senior Sertifikaat met toegang tot diplomastudies, of gelykwaardige kwalifikasie

"Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk."

Inskrywings vir Februarie 2026 kan nou gedoen word.

Maak 'n verskil in die Koninkryk van God

Navrae: Dr Deon du Toit
E-pos: ministry@skillspro.co.za
Selnommer: 082 894 5751



- Op 19 Junie 325 nC is die eerste weergawe van die **Geloofsbelydenis van Nicea** amptelik aanvaar tydens die Konsilie van Nicea. Wêreldwyd vier kerke vanjaar hierdie gebeurtenis van 1 700 jaar gelede. Die HTK het 'n **inligtingsblad** geskep oor Nicea wat gemeentes kan help om Nicea op hul eie manier te herdenk. Klik **hier** vir die inligtingsblad. Dit is 'n dinamiese blad en word gereeld bygewerk met nuwe inligting.

Studentesake

- NHSV Studieleningfonds 2026.** Die NHSV beskik oor studieleninge vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die aansoekvorm vir 2026 kan **hier** afgelaai word. **Die sluitingsdatum vir aansoeke is 15 Januarie 2026.**

IS JY IN 2026 'N MATIE?

Stellenbosch Hervormde gemeente wil jou graag ontmoet en ondersteun in die oorgang van hoërskool na studente! Ons hou 'n aanvangskamp by die Jeugkampterrein net buite Stellenbosch, omring deur berge en wingerde.

Kontak ons vir meer besonderhede:

dr Chris le Roux
cleroux@mweb.co.za
079 495 3239

OF

prop Elizabeth Rossouw
3erossouw@gmail.com
081 833 7022 (WhatsApp)
078 032 3910 (bel)

Eerstejaar of senior, **almal** is welkom

OF vul die kampbrief in en stuur hom vir ons: <https://tinyurl.com/ycwxzkuy>

25-27 JANUARIE
2025

OM **14:00** OP DIE 25STE,
BY DIE KERKGEBOU

R400 PER
PERSOON



Barmhartigheid

- **Machteld Postmus** te **Brooklyn** het tans eenhede beskikbaar in 'n rustige omgewing naby 'n winkelsentrum en kliniek.
 - Kamerfasiliteit beskikbaar by Riekie Boshoff teen R3 991 per maand.
 - Johannes Postmus: Eenmanwoonstel teen R4 641 en eenslaapkamerwoonstel teen R6 363 per maand.
 - Tweeslaapkamereenheid te koop teen R1 232 000 by Machteld Postmus.

Indien u belangstel om meer uit te vind of te besigtig, skakel **suster Sonja Stander** by **012 346 2418**.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
 - 1½-slaapkamer te huur teen R6 800 maandeliks

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi**.

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

'n Gebed vir vreugde en hoop

Vader, gee my asseblief weer die vreugde van u verlossing.
Verwyder die gees van swaarmoedigheid van my af,
en verkwik my met 'n gees van hoop.
Skenk my asseblief vreugde en vrede en vernuwe my krag.
Beskerm my en my gesin teen probleme, Here.
En gee ons 'n loflied vir U.
Amen.

(https://blog.youversion.com/af_ZA/2020/09/hier-is-n-bietjie-hoop-vir-vandag/)

